



Concellería de Cultura

CABALGATA DE REIS 2020

BASES REGULADORAS PARA SELECCIÓN DE FIGURANTES

ARTIGO 1. OBXECTO

Con estas bases regularase a participación na cabalgata das nenas e nenos que queiran participar como figurantes acompañando ás súas maxestades os Reis Magos de Oriente, no seu percorrido polas rúas sadenses.

ARTIGO 2. PARTICIPANTES

- 2.1. Poderán inscribirse rapazas e rapaces nados con anterioridade ao 6 de xaneiro de 2014. As nenas e nenos integrantes de cada carroza irán acompañados por monitores que velarán pola súa seguridade.
- 2.2. No proceso de selección terán preferencia as inscricións de persoas empadroadas no Concello de Sada (realizase unha comprobación de oficio no Padrón Municipal).
- 2.3. A inscrición poderá realizarse directamente a través da ligazón <https://i.gal/4ZcnO> vía correo electrónico enviando o formulario de inscrición debidamente cuberto a sada.cul@sada.gal ou de xeito presencial na OMIX, en horario de 9:00h a 14:00h e de 16:00h a 18:00h.

ARTIGO 3. NORMAS DE PARTICIPACIÓN

3.1. **PRAZO:** Establécese un prazo de presentación de inscricións dende as 9:00h do día de publicación destas bases na web municipal [ata as 15.00h do venres 20 de decembro](#).

3.2. **MODELO DE INSCRICIÓN:** O formulario de inscrición poderá descargarse dende a páxina web www.concellodesada.com, e estará dispoñible na Oficina Municipal da Xuventude. Tamén estará dispoñible un [formulario de inscrición online](#), como se explicou no punto 2.3. Só se aceptarán as inscricións que conteñan todos os datos.

3.3. **PRAZAS:** O número de prazas dispoñibles establecerase segundo criterios de seguridade para os deseños das carrozas da Cabalgata 2020.

. NOTA: contemplase un espazo nas carrozas para acomodar cadeiras de rodas.

3.4. **DISFRACE:** Os solicitantes seleccionados deberán participar cun disfraz relacionado co Nadal para aportar colorido ás carrozas.

3.5. **SELECCIÓN:** O listado de solicitantes seleccionados [publicarase o día 23 de decembro](#) na OMIX e na páxina web municipal. Se houber un maior número de inscricións que prazas dispoñibles seguirase o seguinte procedemento:

- . Farase selección das inscricións por orde de idade, de menor a maior das/os solicitantes empadroadas/os en Sada, con preferencia para os/as solicitantes de menor idade (respectando as bases 2.1. e 2.2).
- . Se tras realizar o proceso citado seguen quedando prazas, seleccionaranse as inscricións por orde de idade de menor a maior das/os solicitantes non empadroadas/os en Sada.
- . En caso de que seguindo a condicións anteriores houbera máis dunha solicitude con igualdade de dereito de acceso para a última praza dispoñible, realizarase un sorteo público na OMIX o día hábil seguinte ao de peche do prazo de inscrición, do cal serán informadas as persoas interesadas.



Concellería de Cultura

CABALGATA DE REIS 2020

BASES REGULADORAS PARA SELECCIÓN DE FIGURANTES

3.6. LISTAXE DE AGARDA: as persoas non seleccionadas formarán parte dunha lista de agarda e serán informadas en caso de que se rexistre algunha baixa.

ARTIGO 4. ORGANIZACIÓN DA CABALGATA

As/os participantes acudirán acompañados dos adultos responsables á explanada da Lonxa de Sada, a tarde do 5 de xaneiro ás 17:30h.

- Os familiares acompañantes recibirán instrucións para a recollida dos seus nenos e nenas á finalización do percorrido da Cabalgata, ás 19:30 no Pavillón municipal.
- As rapazas e rapaces figurantes recibirán unha pulseira na que constará o seu nome e o teléfono de contacto da persoa responsable que firmou a autorización no formulario de inscrición.,
- As e os participantes saberán con antelación en que carroza están asinados, a través dos listados publicados con nomes das e dos admitidos.
- As monitoras e monitores contratados para salvagardar a seguridade nas carrozas encargaranse de recepcionar aos participantes de cada carroza.

ARTIGO 5. CONFORMIDADE

5.1. Co obxectivo de difundir esta campaña en vindeiras convocatorias e tamén garantir os principios de transparencia, accesibilidade da información e veracidade (artigo 2 da Lei 1/2016, do 18 de xaneiro, de transparencia e bo goberno), recolleranse gravacións en vídeo e fotografías das persoas participantes na CABALGATA DE REIS 2020, as cales poderán ser empregadas como noticias contidas en xornais, publicacións e mesmo divulgadas tanto a través de servizos da sociedade da información como na páxina web do Concello de Sada.

5.2. A participación na CABALGATA DE REIS 2020 implica a aceptación destas bases.

Paola Mondaca González
Concelleira de cultura
Concello de Sada

ASINADO NA DATA DE SINATURA DIXITAL